



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-49-1-697-14/18

Datum: 09.05.2018.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 08.05.2018.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

ODLUKU

o izboru najpovoljnijeg ponuđača

I

Najpovoljnija ponuda za radove u predmetu nabavke "Održavanje i sanacija makadamskih i asfaltnih puteva, propusta i priključaka" je za:

Lot-1 Održavanje i sanacija asfaltnih puteva, propusta i priključaka, po cijeni bez PDV-a od 187.674,20KM (slovima:stotinuosamdesetsedamhiljadašeststotinasedamdesetčetiri i 20/100 konvertibilnih maraka) odnosno sa PDV-om u iznosu od 219.578,81KM (slovima:dvijestotinedevetnaesthiljadapetstotinasedamdesetosam i 81/100 konvertibilnih maraka) je ponuda ponuđača Dobojuputevi DD Doboj Jug;

Lot-2 Održavanje i sanacija makadamskih puteva, propusta i priključaka, po cijeni bez PDV-a od 144.600,00KM (slovima:stotinučetdesetčetirihiljadešeststotina i 00/100 konvertibilnih maraka) odnosno sa PDV-om u iznosu od 169.182,00KM (slovima:stotinušesdesetdevethiljadastotinuosamdesetdvije i 00/100 konvertibilnih maraka) je ponuda ponuđača Geo-Put doo Maglaj.

II

Ponuda je dostavljena u otvorenom postupku, sa podjelom na lotove koji je objavljen na Portalu javnih nabavki dana 20.03.2018.godine pod brojem: 375-1-3-61-3-34/18, kriterij za dodjelu ugovora je najniža cijena.

III

Obavezuje se izabrani ponuđač da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

IV

Ponuda Grupe KM Gradnja doo Tešanj i Inter doo Tešanj se odbacuje iz razloga što ponuđač uz ponudu nije dostavio traženu dokumentaciju kako je to propisano tenderskom dokumentacijom, te je ista ocijenjena kao formalno neispravna.

V

Za realizaciju Odluke zadužuju se Služba za finansije, privredu, komunalne i inspeksijske poslove općine Tešanj.

VI

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VII

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6. Zakona o javnim nabavkama.

O b r a z l o ž e n j e

Postupak javne nabavke za radove "Održavanje i sanacija makadamskih i asfaltnih puteva, propusta i priključaka" pokrenut je Odlukom o pokretanju postupka broj:02-49-1-697-2/18 od 15.03.2018.godine. Odabran je otvoreni postupak, sa podjelom na lotove (dva lota), koji je objavljen na Portalu javnih nabavki dana 20.03.2018.godine pod brojem: 375-1-3-61-3-34/18, procijenjena vrijednost javne nabavke je 329.000,00KM a kriterij za dodjelu ugovora je najniža cijena.

U ostavljenom roku za dostavu ponuda pristigle su 4 (četiri) ponude i to: ponuda Geo-Put doo Maglaj (za Lot-1 i Lot-2), ponuda Grupe KM Gradnja doo Tešanj i Inter doo Tešanj (za Lot-2), ponuda Dobojputevi DD Doboj Jug (za Lot-1) i ponuda Špic Beton doo Zenica (za Lot-1 i Lot-2).

Komisija za javne nabavke imenovana rješenjem Općinskog Načelnika broj: 02-49-1-697-4/18 od 11.04.2018.godine izvršila je dana 20.04.2018.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su 3 (tri) ponude formalno ispravno (sadržajno kompletne i ispravnog sadržaja), i da se kao takve mogu ocjenjivati u skladu sa zahtjevom za dostavu ponuda.

Komisija je utvrdila da je cijena ponude ponuđača Geo-Put doo Maglaj za Lot-2 Održavanje i sanacija makadamskih puteva, propusta i priključaka više od 20 % niža od prosječne cijene preostalih prihvatljivih ponuda tj. od ponude ponuđača Špic Beton doo Zenica, te je ugovorni organ u skladu sa članom 66. Zakona o javnim nabavkama i članom 17. Uputstva za pripremu modela tenderske dokumentacije i ponuda, uputio dopis broj 08-49-1-697-11/18 od 24.04.2018. godine kojim se tražilo obrazloženje ponuđene cijene od strane ponuđača Geo-Put doo Maglaj.

Obrazloženje cijene od Geo-Put doo Maglaj dostavljeno je u formi akta od 27.04.2018. godine (zaprimljeno na protokol Općine 08-48-1-697-12/18 od 03.05.2018. godine). Komisija za javne nabavke je prihvatila obrazloženje cijene i ponudu Geo-Put doo Maglaj za Lot-2 Održavanje i sanacija makadamskih puteva, propusta i priključaka, te je istu prihvatila kao formalno ispravnu.

U svrhu dokazivanja da ispunjavaju uslove za primjenu preferencijalnog tretmana domaćeg svi ponuđači su u postupku dostavili dokumentaciju kojom dokazuju preferencijalni tretman domaćeg.

Tačkom 5.1. Tenderske dokumentacije predviđeno je da će se u ovom postupku dodjele ugovora primjeniti E-aukcija za ponuđače koji su podnijeli prihvatljive ponude te je ugovorni organ zakazao E-aukcija za Lot-1 za dan 07.05.2018.godine od 12:00 sati sa vremenskim trajanjem od 10 (deset) minuta a za Lot-2 za dan 07.05.2018.godine od 12:30 sati sa vremenskim trajanjem od 10 (deset) minuta.

Iz Izvještaja o toku i završetku E-aukcije od 07.05.2018.godine (koji je u predmetu spisa) vidljivo je da ponuđač Dobojputevi DD Doboj Jug zauzima prvo mjesto na Konačnoj listi ponuđača koji su učestvovali u E-aukciji za Lot-1 a ponuđač Geo-Put doo Maglaj za Lot-2. Komisija je izvršila rangiranje prihvatljivih ponuda prema kriteriju za izbor ponuda kako slijedi:

Lot-1

1. Dobojputevi DD Doboj Jug
2. Geo-Put doo Maglaj
3. Špic Beton doo Zenica

Lot-2

1. Geo-Put doo Maglaj
2. Špic Beton doo Zenica

Komisija je kod ocjene ponuda takođe utvrdila da 1 (jedna) ponuda nije formalno ispravno i da ne sadrži dokumentaciju (uopšte ili u formi kako je traženo tenderskom dokumentacijom) koja je tražena tenderskom dokumentacijom kako slijedi:

Ponuda Grupe KM Gradnja doo Tešanj i Inter doo Tešanj sadrži Potvrdu za dobro izvršenje posla broj:04-49-2-1002/18 od 19.04.2018.godine izdatu od Službe za finansije, privredu, komunalne i inspeksijske poslove općine Tešanj o realizaciji dva ugovora i to u vrijednosti od 120.250,00KM i 29.016,00KM. Tačkom 13.3.1. tenderske dokumentacije traži se uspješno iskustvo za Lot-2 dva ugovora vrijednosti od po 70.000,00KM. Uz ponudu je trebalo dostaviti spisak izvršenih ugovora - kojim se dokazuje iskustvo u izvođenju radova u skladu sa zahtjevima navedenim u tački 13.3.1. a) tenderske dokumentacije, uz Potvrdu o uredno izvršenim Ugovorima koju daje druga ugovorna strana o njihovoj realizaciji u skladu sa članom 48. stav 2. i 3. Zakonom o javnim nabavkama ("Sl. glasnik BiH" broj: 39/14). Dakle ponuđač uz ponudu nije dostavio Spisak izvršenih ugovora a nije dokazao potvrdom ni iskustvo u izvođenju radova u skladu sa zahtjevima navedenim u 13.3.1. a) tenderske dokumentacije.

Ponuda Grupe KM Gradnja doo Tešanj i Inter doo Tešanj je u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačena, kako je navedeno u tački 4. dispozitiva ove Odluke.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:02-49-1-697-13/18 od 08.05.2018.godine), da se u predmetu javne nabavke radova "Održavanje i sanacija makadamskih i asfaltnih puteva, propusta i priključaka", donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za radove za Lot-1 određuje ponuda ponuđača Dobojsputevi DD Dobojs Jug a za Lot-2 ponuda ponuđača Geo-Put doo Maglaj, odnosno kako je to navedeno u tački I ove Odluke, te da se sa istim zaključe ugovori u skladu sa ponudama i postignutom cijenom na E-aukciji navedenih ponuđača za radove predmetne nabavke.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) kao najpovoljniji za Lot-1 Održavanje i sanacija asfaltnih puteva izabran je ponuđač Dobojsputevi DD Dobojs Jug za ponudenu cijenu na E-aukciji održanoj dana 07.05.2018.godine bez PDV-a 187.674,20KM (slovima:stotinuosamdesetsedamhiljadašeststotinasedamdesetčetiri i 20/100 konvertibilnih maraka), odnosno sa PDV-om u iznosu od 219.578,81KM (slovima:dvijestotinedevetnaesthiljadapetstotinasedamdesetosam i 81/100 konvertibilnih maraka) a za Lot-2 Održavanje i sanacija makadamskih puteva, propusta i priključaka, po cijeni bez PDV-a od 144.600,00KM (slovima:stotinučetdesetčetiriiljadeststotina i 00/100 konvertibilnih maraka), odnosno sa PDV-om u iznosu od 169.182,00KM (slovima:stotinušesdesetdevethiljadastotinuosamdesetdvije i 00/100 konvertibilnih maraka) izabran je ponuđač Geo-Put doo Maglaj.

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponudači x4,
2. Služba za finansije, privredu, komunalne i inspeksijske poslove,
3. Web stranica općine Tešanj, elektronski,
4. Predmet.

Handwritten signature

 **OPĆINSKI NAČELNIK**
Handwritten signature of Mr. sci. Suad Huskić
Mr. sci. Suad Huskić